

# 2024an Arabako Lurralde Historikoan klub, federazio eta beste kirol-erakunde batzuek ekipamenduak erosteko Vital Fundazioaren laguntzen deialdia

Vital Fundazioak argitara eman du Arabako Lurralde Historikoko klub, federazio eta bestelako kirol-erakundeek ekipamenduak erosteko laguntzen deialdi hau, eskola-kirola, oinarrizko kirola, herri-kirola eta kirol inklusiboa sustatzera bideratutako proiektuei babesa eta bultzada emateko.

Vital Fundazioak, bere helburu eta balioekin bat etorriz, aktiboki laguntzen du Garapen Jasangarrirako Helburuetan, eta bere gizarte-ekintza ikuspegi solidariotik nahiz gaur egungotik garatzen du, Arabako Lurralde Historikoko biztanleen aurrerapen soziala, ekonomikoa, kulturala eta kirolekoa bultzatuz.

Arabako klubek, federazioek eta bestelako kirol-erakundeek 2024an gehenez aurrekontu eta diseinu bat aurkeztu dezakete deialdi honetan.

## **DEIALDIAREN FASEAK**

### **1. fasea: Eskabideak aurkeztea**

2024an, Vital Fundazioak ekipamenduak eta/edo kirol-materiala erosteko laguntzen deialdia egingo du, eta laguntza-eskabideak aurkezteko epea maiatzaren 20ean hasiko da, eta ekainaren 21eko 14:00etan amaituko da.

Deialdi honetan parte hartu nahi duten kirol-erakundeek Fundazioaren web orrian eskuragarri dauden formularioak bete beharko dituzte: <https://www.fundacionvital.eus>. Horiekin batera, diruz lagunduko den kirol-materialaren eta/edo ekipamenduen aurrekontua eta diseinua aurkeztu beharko dira.

Nahitaezkozat jotako baldintzaren bat betetzen ez bada, aurkeztutako eskaera ez da onartuko.

### **2. fasea: Eskaeren ebaluazioa**

Proposamenak aztertzeko epea 2024ko ekainaren 24tik uztailaren 5era bitartekoa izango da.

### **3. fasea: Azken ebazpena eta komunikazioa**

Vital Fundazioak jasotako laguntza-proposamenak ebaluatuko ditu eta ebazpena 2024ko uztailaren 8tik aurrera aterako da. Ebazpen hori zuzenean jakinaraziko zaio

kirol-erakunde bakoitzari, mezu elektronikoko bidez.

*Ebazpena aldekoa bada, jakinarazpen hori egiten denetik gehienez ere 15 eguneko epea izango da eskatutako dokumentazioa aurkezteko. Epe horretan aurkezten ez bada, eskaera ezetsi egingo da.*

## **DEIALDIAREN OINARRIAK**

1. **Helburua:** Arabako Lurralde Historikoan diharduten kirol-erakundeei ekipamenduak erosteko laguntza-araubidea ezartzea dute helburu oinarri arautzaile hauek.
2. **Onuradunak:**
  - a. Oinarri arautzaile hauen babesean emandako laguntzaren onuradun izan daitezke Arabako Lurralde Historikoko kirol-klubak, kirol-federazioak eta kirol-erakundeak.
  - b. Honako kategoria hauetan:
    - i. Oinarrizko kirola
    - ii. Herri-kirola
    - iii. Talde inklusiboak
    - iv. Eskola-kirola
    - v. 23 urtez azpiko kirola eta seniorrak
  - c. Kanpoan geratuko dira honako kategoria hauek:
    - i. Goi-mailako lehiaketako kirola
    - ii. Elite mailako kirola eta profesionala
    - iii. Estatuan edo nazioartean lehiatzen diren taldeak
  - d. Kirol-erakunde horiek honako baldintza hauek bete beharko dituzte:
    - Euskal Autonomia Erkidegoko Kirol Erakundeen Erregistroan inskribatuta egotea laguntzen deialdia argitaratzen den egunean.
    - Estatutuak kirol arloan indarrean dauden xedapenetara eguneratuta izatea.

- Erantzukizun zibileko aseguru bat izatea beren jardueretan parte hartzen dutenentzat.
- Zerga eta lan betebeharrak egunean izatea.
- Kirol-proiektua kudeatzeko egitura eta gaitasun nahikoa izatea.
- KUTXABANK kontu baten titularra izatea.
- Vital Fundazioaren elkarte-fitxa izatea (esteka)
- 2024/2025 denboraldiko diru-sarreraren eta gastuen aurrekontua.
- Kirol-erakundearen eta haren ibilbidearen deskribapen laburra.
- Federazio-lizentzien kuota.
- Deialdi honen onuradun diren kirol-erakundeen betebeharren artean, honako programa edo protokolo hauek aurkeztu edo lantzen ari direla egiaztatu beharko dute:
  1. Haur-kiroleko sexu-abusuen eta jazarpenaren protokoloa.
  2. Kiroleko indarkeriaren aurkako protokoloa.
  3. Kiroleko genero-berdintasunerako protokoloa/plana.

### **3. Diruz lagun daitezkeen ekipazioak eta/edo kirol-materiala:**

- a. Ekipamendu suntsikorrak erosteko baino ez da emango laguntza, hau da, jokatzeko kamisetak, prakak, entrenamendurako kamisetak eta igerilekuko txanoak erosteko.
- b. Deialdi honetatik kanpo geratuko dira kirol-material hauek: dortsalak, motxilak, bandak, galtzerdiak, baloi-gurdiak, baloiak, trofeoak, etab.
- c. Vital Fundazioak diruz lagundu daitezkeen ekipazio-zerrenda handitu dezake, aurkeztutako eskaeren arabera, baldin eta egiten den kirol-jarduerarako erabiltzen dela justifikatzen bada.
- d. Ekipamenduak erosteko laguntza urtean behin baino ezin daiteke eskatu.
- e. Sektoreko Arabako enpresa bati eskatu behar zaizkio ekipamenduak. Laguntzak enpresa horiekin gauzatuko dira, eta probintziatik kanpoko beste enpresa batzuen aurrekontuak edo diseinuak kanpoan geratuko dira.
- f. Laguntza-deialdi honen bidez diruz lagundutako ekipazioek Vital Fundazioaren logoa baino ez dute izango, eta kanpoan geratuko dira

beste erakunde publiko edo pribatu batzuen beste marka edo logo batzuk.

#### 4. Vital Fundazioaren ekarpen ekonomikoa:

Laguntzak ahalik eta proposamen gehienetara heldu daitezzen, eta **erreferentzia orientagarri gisa**, deialdi honen bidez emango diren kopuruak honako hauek izango dira:

- 1.000 eta 1.500 euro artean, baldintzak betetzen dituzten eta 100 fitxa aktibo baino gutxiago dituzten talde, klub edo elkarteentzat.
- 1.500 eta 2.500 euro artean, baldintzak betetzen dituzten eta 100-400 fitxa aktibo dituzten talde, klub edo elkarteentzat.
- 4.000 euroraino, baldintzak betetzen dituzten eta 400 fitxa aktibo baino gehiago dituzten talde, klub edo elkarteentzat.

Emandako laguntzaren zenbatekoa erakunde eskatzailea titularra duen Kutxabankeko kontu batean sartuta ordainduko da. Oro har, **ordainketa bakar** batean egingo da, dirulaguntza ematean, kirol-lankidetzarako hitzarmena sinatzen denean. Eskaera jasotakoan, ekipamenduen ordainketa justifikatzen duen faktura aurkeztu beharko da.

#### 5. Bateriaezintasunak eta laguntzen metaketa:

- a. Kirol-erakunde bakoitzeko proposamen bakar bati baino ez zaio erantzungo.
- b. Deialdi honetatik kanpo geratuko dira klub, federazio eta kirol-erakunde bakoitzak antolatzen dituen campusak.
- c. Kanpoan geratuko dira dagoeneko euskarri komertziala edo instituzionala duten ekipazioak.
- d. Oinarrietan jasotako baldintzak ez betetzeak edo klubek, kirol-elkarteek eta abarrek kiroltasunaren eta besteekiko errespetuaren aurkako ekintza, gertakari edo portaeretan parte hartzeak baldintzatu egingo ditu eskatzaileen aldetik jaso beharreko laguntzak.